



Broj: 04-16-4-4630-21 /25
Datum: 21.08.2025. godine.

Na osnovu člana 62. Zakona o upravi („Službeni glasnik BiH“, broj 32/02, 102/09 i 72/17), člana 69. stav (2) tačka d) i člana 70. stav (4) Zakona o javnim nabavkama BiH („Službeni glasnik BiH“, broj 39/14, 59/22 i 50/24), zamjenik ministra ministarstva bezbjednosti Bosne i Hercegovine, donosi:

ODLUKU
O PONIŠTENJU POSTUPKA NABAVKE
„Nabavka licenci – Lot 4“

Član 1.

Poništava se postupak nabavke „Nabavka licenci – Lot 4“ koji je pokrenut na osnovu Odluke o pokretanju postupka za izbor najpovoljnijeg ponuđača broj 04-16-4-4630-2/25 od 17.07.2025. godine za potrebe Ministarstva bezbjednosti BiH, putem konkurentskog zahtjeva sa objavom na portalu javnih nabavki, broj obavještenja 268-7-1-24-3-36/25.

Član 2.

Postupak javne nabavke iz člana 1. se poništava zbog toga što nijedna od primljenih ponuda nije prihvatljiva, u skladu sa Članom 69. stav (2) tačka d) Zakona o javnim nabavkama BiH („Službeni glasnik BiH“, broj 39/14, 59/22 i 50/24).

Komisija je pristupila pregledu navedenih ponuda za Lot 4, te utvrdila sljedeće:

- „FixIT” d.o.o. Sarajevo - ukupna cijena ponude bez PDV-a = 1.800,00 KM

Pregledom ponude Komisija je utvrdila da je ponuda ponuđača **nepravilna**.

Naime, u **tački 3.4. tenderske dokumentacije** je navedeno da ponuđač da bi učestvovao u konkretnom postupku javne nabavke mora zadovoljiti uslov tehničke i profesionalne sposobnosti: da ima uredno izvršena najmanje dva ugovora, o nabavci istog ili sličnog predmeta nabavke čiji zbirni iznos nije manji od procijenjene vrijednosti predmetne nabavke, u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od dvije godine.

Ponuđač je dužan dostaviti sljedeće dokaze:

Potvrdu o uredno izvršenim ugovorima iz tačke 3.4. tenderske dokumentacije koja mora sadržavati sljedeće podatke: naziv i sjedište ugovornih strana ili privrednih subjekata, predmet ugovora, vrijednosti ugovora, vrijeme i mjesto izvršenje ugovora, te navode o uredno izvršenim ugovorima.

U tački 3.6. tenderske dokumentacije se navodi da u slučaju da se u ponudi ne dostave gore navedeni dokazi ili se ne dostave na način kako je naprijed traženo ponuđač će biti isključen iz daljeg učešća zbog neispunjavanja navedenih uslova za kvalifikaciju. Pregledom ponude Komisija je konstatovala da nisu ispunjeni uslovi iz tačke 3.4. tenderske dokumentacije, te je ponuda ponuđača „FixIT” d.o.o. Sarajevo **nepravilna**.

Naime, ponuđač je dostavio kopiju Zahtjeva za izdavanje potvrde o dobrom izvršenju posla Agenciji za državnu službu FBiH od 04.08.2025. godine, kao i kopiju računa broj: 24-3000-000183 od 04.03.2024. godine koji je izdat od strane ponuđača, kao i kopiju Zahtjeva za izdavanje potvrde o dobrom izvršenju posla Poreznoj upravi FBiH od 04.08.2025. godine, kao i kopiju računa broj: 25-3000-000433 od 16.05.2025. godine koji je izdat također od strane ponuđača.

Članom 48. stav (2) Zakona o javnim nabavkama BiH ("Sl. glasnik BiH", br. 39/14, 59/22 i 50/24) propisano je sljedeće: *Ako ugovorni organ zahtijeva dokaz o uredno izvršenim ugovorima, taj dokaz se podnosi u formi spiska izvršenih ugovora uz potvrdu o njihovoj realizaciji koju daje druga ugovorna strana. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede.*

Dakle, ponuda nije dostavljena u skladu s gore navedenim, odnosno, ponuđač je 04.08.2025. godine zatražio od drugih ugovornih strana potvrde o uredno izvršenim ugovorima, a krajnji rok za dostavljanje ponuda je bio 06.08.2025.godine, što se ne može smatrati objektivnim razlogom privrednog subjekta za ne dostavljanje tražene potvrde. S tim u vezi ponuda je od strane Komisije ocijenjena kao **nepravilna**.

„NEXIS“ d.o.o.Sarajevo - ukupna cijena ponude bez PDV-a = 1.800,00 KM;

Pregledom ponude Komisija je utvrdila da je ponuda **nepravilna**.

Naime, u **tački 4.2. Način dostavljanja ponude** tenderske dokumentacije se navodi da se stranice ponude označavaju brojem na način da je vidljiv redni broj stranice. Ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja te će se smatrati manjim odstupanjem koji ne mijenja niti se bitno udaljava od karakteristika, uslova i drugih zahtjeva utvrđenih u obavještenju o nabavci itd. tenderske dokumentacije. Komisije je uvidom u dostavljenu ponudu uočila da ne postoji kontinuitet numerisanja, te da nije ni svaka od stranica numerisana.

Također, u **tački 5.3. Nacrt ugovora ili osnovni elementi ugovora** tenderske dokumentacije se navodi da su ponuđači dužni uz ponudu dostaviti nacrt ugovora u koji su unijeli podatke iz svoje ponude, te **parafirati sve listove** nacrta ugovora. S tim u vezi, uvidom u dostavljenu ponudu Komisija je utvrdila da listovi nacrta ugovora nisu parafirani, odnosno da ponuda u tom dijelu nije u skladu s tenderskom dokumentacijom. U vezi s gore navedenim Komisija je utvrdila da je ponuda ponuđača „NEXIS“ d.o.o. Sarajevo **nepravilna**.

Član 3.

Zadužuje se Sektor za pravne, kadrovske, opšte i finansijsko materijalne poslove za realizaciju ove Odluke. Ova odluka će se objaviti na web stranici ministarstva bezbjednosti BiH (www.msb.gov.ba).

Dostavljeno:

- Glasnogovornik
- Sektor za informatiku i telekomunikacione sisteme
- a/a

